

Na osnovu člana 5. stav 2. i 38. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj 19/06, 76/08, 05/09, 32/09 i 51/09), člana 13. Zakona o principima lokalne samouprave u Federaciji BiH („Službene novine Federacije BiH“, broj: 49/06) i člana 18. stav. 1. alineja 4. Statuta Općine Novo Sarajevo („Službene novine Kantona Sarajevo“, broj: 12/06 – Prečišćeni tekst, 14/08 i 25/08) Općinsko vijeće na 13. sjednici održanoj dana 30.12.2009. godine, donijelo je

ODLUKU **o izvršavanju Budžeta Općine Novo Sarajevo za 2010. godinu.**

Član 1.

I – Opće odredbe

Ovom Odlukom uređuje se struktura Budžeta Općine Novo Sarajevo za 2010. godinu (u daljnjem tekstu: Budžet), način njegovog izvršavanja, upravljanje prihodima i izdacima Budžeta, prioriteta plaćanja, finansijsko izvještavanje, revizija i kontrola Budžeta, ovlaštenja Općinskog načelnika, te prava i obaveze korisnika budžetskih sredstava u izvršavanju Budžeta i druga pitanja vezana za izvršavanje Budžeta.

Član 2.

Budžet Općine Novo Sarajevo je akt kojim se utvrđuje plan finansijskih aktivnosti Općine, a obuhvata projekciju godišnjih prihoda i primitaka, te utvrđenih iznosa rashoda i izdataka Općine, koji donosi Općinsko vijeće.

Budžet se donosi za fiskalnu 2010. godinu, odnosno za period od 01. januara do 31. decembra 2010. godine.

Član 3.

Budžet se sastoji od općeg i posebnog dijela.

Član 4.

Opći dio Budžeta sastoji se od bilansa prihoda i primitaka, te rashoda i izdataka.

U računu Prihoda i primitaka iskazuju se porezni i neporezni prihodi i drugi prihodi i primici Općine. U računu prihoda iskazuju se i neutrošeni prihodi iz Budžeta 2009. godine.

U računu rashoda i izdataka utvrđuju se rashodi i izdaci po kategorijama rashoda i izdataka.

Prihodi i primici priznaju se u periodu kada su mjerljivi i raspoloživi, to jest kada su uplaćeni na račun budžeta.

Rashodi i izdaci priznaju se u periodu kada je obaveza nastala.

Član 5.

Posebni dio Budžeta sastoji se od plana rashoda i izdataka po budžetskim korisnicima i tekućih i kapitalnih programa za 2010. godinu.

Budžetski korisnici Općine Novo Sarajevo u posebnom dijelu Budžeta su :

- Općinsko Vijeće sa stručnom službom općinskog vijeća,
- Jedinstveni općinski organ uprave i stručne službe Općine i
- Općinski pravobranilac.

II – Izvršavanje Budžeta

Član 6.

Sredstva Budžeta osiguravaju se korisnicima koji su određeni kao nosioci sredstava na pojedinim pozicijama.

Korisnici Budžeta mogu koristiti sredstva u skladu sa svojim finansijskim planovima samo do visine utvrđene za namjene u posebnom dijelu Budžeta, u visini ostvarenih prihoda.

Član 7.

Budžet Općine se izvršava na osnovu planirane dinamike realizacije programa i finansijskih planova budžetskih korisnika u skladu sa likvidnim budžetskim sredstvima.

U slučaju dinamičnijeg priliva sredstava, odnosno, ostvarenja većeg priliva od planiranog, Općinski načelnik može Općinskom vijeću predložiti raspodjelu istih.

Prijedlog raspodjele sredstava iz stava 2. ovog Člana bi se utvrdio posebnom Odlukom Općinskog vijeća i ista bi bila sastavni dio Budžeta.

U slučaju da priliv sredstava ne prati planiranu dinamiku, realizacija obaveza se vrši prema slijedećim prioritetima:

- a) Sredstva za rad općinskih organa i ostali izdaci:
 1. porez na dodanu vrijednost i drugi porezi po posebnim propisima;
 2. otplata duga i kamata;
 3. plaće;
 4. naknade za rad vijećnika i radnih tijela u Općinskom vijeću;
 5. naknade troškova zaposlenih;
 6. materijalni i drugi troškovi neophodni za rad općinskih službi;
 7. grantovi u oblasti socijalnih davanja;
 8. ostalo.
- b) Namjenska sredstva:
 1. tekući grantovi za obezbjeđenje osnovnih potreba građana iz oblasti komunalnih usluga i hitne intervencije;
 2. kapitalni izdaci iz oblasti komunalne infrastrukture;
 3. ostalo.

U slučaju poremećene likvidnosti Budžeta, Općinski načelnik poduzima mjere za uravnoteženje Budžeta i predlaže Općinskom vijeću izmjene i dopune Budžeta u skladu sa članom 22. i 23. Zakona o budžetima u FBiH.

Član 8.

Općinski načelnik u skladu sa propisima izvršava Budžet Općine.

Općinski načelnik raspolaže sredstvima utvrđenim u posebnom dijelu Budžeta Općine u skladu sa dinamikom priliva sredstava, ovom Odlukom i važećim propisima.

Općinski načelnik je naredbodavac za raspodjelu i utrošak sredstava utvrđenih u posebnom dijelu Budžeta za Jedinostveni općinski organ uprave i stručne službe Općine u skladu sa finansijskim planom, dinamikom priliva sredstava, ovom Odlukom i važećim propisima.

Sekretar Općinskog vijeća je naredbodavac za raspodjelu sredstava utvrđenih u posebnom dijelu Budžeta za Općinsko vijeće i stručnu službu Općinskog vijeća u skladu sa finansijskim planom, dinamikom priliva sredstava, ovom Odlukom i važećim propisima.

Općinski pravobranilac je naredbodavac za raspodjelu sredstava utvrđenih u posebnom dijelu Budžeta za Pravobranilaštvo Općine u skladu sa dinamikom priliva sredstava, ovom Odlukom i važećim propisima.

Naredbodavci za raspodjelu odgovorni su za zakonitost, svrsishodnost, efikasnost i za ekonomičnu upotrebu budžetskih sredstava predviđenih finansijskim planom na odgovarajućem razdjelu.

Općinski načelnik može na prijedlog Službe za oblast privrede i finansija, donijeti odluku o prestruktuiranju rashoda u okviru ukupnog iznosa budžetskim programima predviđenih sredstava za 2010. godinu, a najviše do 10% ukupno odobrenih izdataka konkretnog budžetskog programa u skladu sa Zakonom o budžetima u Federaciji BiH.

Općinski načelnik je obavezan informisati Općinsko Vijeće o izvršenom prestruktuiranju sredstava iz stava 7. ovog člana po godišnjem izvršenju Budžeta.

Član 9.

Postupak nabavke roba, usluga i ustupanje radova korisnici su dužni vršiti u skladu sa Zakonom o javnim nabavkama Bosne i Hercegovine („Službeni glasnik BiH“ broj 49/04, 19/05, 52/05, 92/05, 08/06, 24/06, 70/06 i 12/09), Pravilnikom Općinskog načelnika o nabavci roba, vršenju usluga i ustupanju radova, Pravilnikom Općinskog načelnika o postupku direktnog sporazuma, te Planom nabavki za 2010. godinu i propisanom Procedurom Javne nabavke NS-DPR-018.

Član 10.

Sredstva utvrđena u Budžetu na ekonomskom kodu 611 - bruto plaće, 612 - naknade troškova zaposlenih i 6139 – naknade vijećnicima, članovima radnih tijela, te članovima savjeta mjesnih zajednica realizuju se u skladu sa:

- Pravilnikom o plaćama i naknadama državnih službenika i namještenika Stručne službe Općinskog vijeća Novo Sarajevo;
- Pravilnikom o plaćama i naknadama državnih službenika i namještenika Jedinostvenog općinskog organa uprave i stručnih službi Općine;
- Pravilnikom o plaćama, naknadama i drugim materijalnim pravima pravobranioca, zamjenika pravobranioca i namještenika Pravobranilaštva Općine Novo Sarajevo;
- Odlukom o visini koeficijenata za plaće funkcionera Općine, naknada vijećnicima i članovima radnih tijela Općinskog vijeća uz evidenciju koju vodi i dostavlja Službi za oblast privrede i financija, Sekretar Općinskog vijeća;
- Odlukom o visini naknade za rad članova savjeta mjesnih zajednica;
- Zaključcima Općinskog načelnika na osnovu odgovarajućih propisa.

Član 11.

Sredstva utvrđena u Budžetu na ekonomskom kodu 614200- Grantovi pojedincima, realizuju se na osnovu Zaključka Općinskog načelnika u skladu sa Zakonom i utvrđenim kriterijima Općinskog vijeća i to:

- Sredstva za paušalni doprinos za zdravstveno osiguranje lica starijih od 65 godina realizuju se na prijedlog Službe za rad, zapošljavanje, zdravstvo, socijalna pitanja, izbjeglice i raseljena lica u skladu sa Zakonom o zdravstvenom osiguranju („Službene novine Federacije BiH“ broj 30/97).
- Sredstva za alternativni smještaj raseljenih lica isplaćuju se u skladu sa Zakonom o prestanku primjene Zakona o napuštenim nekretninama u svojini građana («Službene novine F BiH», broj 43/99), a na osnovu rješenja Službe za stambene i komunalne poslove, poslove obnove i razvoja i zaštite okoliša;
- Sredstva za ostala socijalna davanja, u skladu sa kriterijima utvrđenim Odlukom Općinskog vijeća, raspoređuje Općinski načelnik.
- Stipendije za učenike i studente raspoređuju se korisnicima po provedenom javnom pozivu u skladu sa Pravilnikom o dodjeli stipendija, a realizuju na osnovu usvojene liste stipendista, putem Službe za boračko invalidsku zaštitu;
- Grant sredstva pojedincima iz fonda BIZ-a raspoređuje se u skladu sa kriterijima koje utvrđuje Općinsko vijeće, a realizuju se putem Službe za boračko invalidsku zaštitu;
- Grant djeci bez oba roditelja raspoređuje se korisnicima prema evidencijama Službe za boračko-invalidsku zaštitu i Centra za socijalni rad, a realizuju se putem Službe za boračko invalidsku zaštitu;
- Sredstva za održavanje školskih takmičenja iz oblasti znanja, kulture i tehnike realizovat će se u skladu sa Programom održavanja školskih takmičenja koji izrađuje Služba za društvene djelatnosti u saradnji sa osnovnim školama prema kriterijima PPZ;
- Sredstva za održavanje školskih takmičenja iz oblasti sporta realizovat će se u skladu sa Programom održavanja školskih takmičenja koji izrađuje Služba za društvene djelatnosti u saradnji sa osnovnim školama;
- Grant sredstva za prevoz učenika koji imaju problema u kretanju realizovat će se na prijedlog Službe za društvene djelatnosti u skladu sa Zakonom o osnovnom obrazovanju („Službene novine Kantona Sarajevo“ broj 10/04 i 21/06) putem JU Centra za govornu i slušnu rehabilitaciju i JU Centra Valadimir Nazor.

Član 12.

Sredstva utvrđena u Budžetu u okviru korisnika I – Općinsko vijeće, na ekonomskom kodu 613900, 614200, 614300 - Sredstva za Dan općine, raspoređuju se u skladu sa kriterijima utvrđenim Programom obilježavanja Dana općine na prijedlog Organizacionog odbora;

Sredstva utvrđena u Budžetu u okviru korisnika II – Jedinствeni općinski organ uprave, na ekonomskom kodu 613900- Sredstva za obilježavanje značajnih datuma prema «Kalendaru» raspoređuju se u skladu sa Programom koji na prijedlog Komisije za boračka pitanja usvaja Općinsko vijeće, a raspoređuju se po zaključku Općinskog načelnika.

Sredstva utvrđena u Budžetu u okviru korisnika II – Jedinствeni općinski organ uprave, na ekonomskom kodu 613900- Sredstva za međunarodnu saradnju, raspoređuje se Zaključkom Općinskog načelnika i na kraju godine se informiše Općinsko vijeće.

Sredstva utvrđena u Budžetu u okviru korisnika I , na ekonomskom kodu 614100 - Grant sredstva za povrat raseljenih u mjesto povratka raspoređuju se Zaključkom sekretara Općinskog Vijeća na prijedlog Općinskog štaba za povrat raseljenih u mjesto povratka.

Grant sredstva Općinskoj izbornoj komisiji raspoređuju se Zaključkom sekretara Općinskog vijeća na prijedlog Općinske izborne komisije.

Član 13.

Sredstva posebne naknade za zaštitu i spašavanje (pripremanje, opremanje, obuka i provođenje preventivnih mjera u toku nesreće i otklanjanja posljedica prirodnih i drugih nesreća) planirana po Programu izdataka za prirodne i druge nesreće odobrava Općinski načelnik na osnovu Plana korištenja sredstava posebne naknade za zaštitu i spašavanje za 2010. godinu kojeg donosi Općinski štab civilne zaštite u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“ broj 39/03 i 22/06) i Odlukom o uslovima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća («Službene novine F BiH broj 46/05 i 61/07»)

Član 14.

Sredstva utvrđena na ekonomskom kodu 614300 – Grantovi neprofitnim organizacijama i na ekonomskom kodu 614400- Subvencije preduzećima i javnim ustanovama realizuju se na sljedeći način:

- Grant parlamentarnim grupama parlamentarnih stranki realizuju se mjesečno na osnovu Zaključka sekretara Općinskog vijeća u skladu sa Odlukom Općinskog vijeća o učešću Općine Novo Sarajevo u finansiranju vijećničkih grupa – klubova vijećnika u Općinskom vijeću Novo Sarajevo;
- Grant Crvenom krstu realizuje se Zaključkom načelnika na prijedlog Službe za rad socijalna pitanja, zdravstvo, izbjeglice i raseljena lica;
- Grant penzionerima raspoređuje se Zaključkom načelnika putem Udruženja penzionera;
- Grant vjerskim zajednicama raspoređuje se Zaključkom Općinskog načelnika putem službe za društvene djelatnosti;
- Grant sredstva za dodjelu užina djeci osnovnih škola slabijeg materijalnog stanja raspoređuju se Zaključkom načelnika na prijedlog Službe za društvene djelatnosti uz koordinaciju sa osnovnim školama;
- Grant sredstva za projekte boračkih udruženja raspoređuje Općinsko vijeće na prijedlog Općinskog načelnika u skladu sa Odlukom o jedinstvenim kriterijima za raspodjelu sredstava obezbjeđenih u Budžetu Općine Novo Sarajevo za finansiranje boračkih udruženja („Službene novine Kantona Sarajevo“ br. 27/09);
- Grant sredstva za projekte koji podržavaju oblast sporta, kulture, obrazovanja, ekologije i sl. raspoređuju se putem Službe za društvene djelatnosti po provedenom javnom pozivu u skladu sa predhodno utvrđenim kriterijima Općinskog vijeća, na prijedlog Općinskog načelnika;
- Grant za mlade raspoređuje se putem Službe za društvene djelatnosti po provedenom javnom pozivu u skladu sa predhodno utvrđenim kriterijima Općinskog vijeća, na prijedlog Općinskog načelnika;
- Grant sredstva za nabavku opreme za osnovne škole raspoređuje Općinski načelnik na prijedlog Službe za društvene djelatnosti uz koordinaciju sa osnovnim školama;

- Grant sredstva za školu skijanja raspoređuje Općinski načelnik na prijedlog Službe za društvene djelatnosti prema utvrđenim kriterijima;
- Grant sredstva odobrena u Budžetu za JU Međunarodni centar za djecu i omladinu Novo Sarajevo raspoređuje se u skladu sa posebno zaključenim ugovorima između korisnika i Općinskog načelnika.

Sredstva iz stava 1. ovog Člana, doznačuju se mjesečno ili tromjesečno u jednakim ratama, zavisno od dinamike priliva budžetskih sredstava i realizacije odobrenih projekata.

Korisnici granta obavezni su po okončanju projekata i okončanja budžetske godine realizaciji odobrenih sredstava dostaviti nadležnim općinskim službama izvještaj o utrošku budžetskih sredstava sa finansijskom dokumentacijom, a najkasnije do 31. januara 2011.godine.

Korisnici budžetskih sredstava koji nisu opravdali korištena sredstva iz predhodne godine u predviđenom roku ne mogu biti korisnici sredstava Budžeta Općine za 2010. godinu.

Član 15.

Sredstva utvrđena u Budžetu Općine na ostalim tekućim grantovima kada je naznačen krajnji korisnik, realizovat će se po osnovu potpisanih ugovora o realizaciji odobrenih sredstava sa korisnicima sredstava.

Član 16.

Sredstva utvrđena na ekonomskom kodu 615 – Kapitalni grantovi i 821-Nabavka stalnih sredstava, vršit će se u skladu sa članom 9. ove Odluke ili posebnom Odlukom Općinskog načelnika.

Član 17.

Hitni i nepredviđeni izdaci koji se pojave u toku budžetske godine podmiruju se iz sredstava tekuće rezerve utvrđene u Budžetu.

O korištenju sredstava tekuće rezerve Budžeta odlučuje Općinski načelnik po pojedinačnom iznosu do 20.000 KM.

Odluku o angažovanju sredstava tekuće rezerve po pojedinačnim iznosima većim od 20.000 KM donosi Općinsko vijeće na prijedlog Općinskog načelnika.

Služba za oblast privrede i finansije obavezna je mjesečno izvještavati Općinskog načelnika o korištenju sredstava tekuće rezerve.

Općinski načelnik polugodišnje izvještava Općinsko Vijeće o korištenju budžetske rezerve.

Član 18.

Općinski načelnik, u skladu sa zakonskim propisima izvršava Budžet Općine.

Svaki utrošak sredstava Budžeta, putem računovodstva po nalogu ovlaštenog naredbodavca iz člana 8. mora biti odobrena od Općinskog načelnika ili lica koje načelnik ovlasti.

O dinamici utrošaka budžetskih sredstava na osnovu planova i prijedloga korisnika iz člana 5 i 8. Budžeta do visine ostvarenih prihoda, odlučuje Općinski načelnik u skladu sa važećim propisima i ovom Odlukom.

Pogrešno ili više uplaćeni prihodi u tekućoj godini u Budžetu vraćaju se uplatiteljima na teret tih prihoda, a na osnovu rješenja Općinskog načelnika, po podnesenom zahtjevu uplatitelja.

Član 19.

Ako se tokom tekuće godine proširi nadležnost ili djelokrug korisnika ili se osnuje novi korisnik, sredstva za njihovu djelatnost osigurati će se iz dosadašnjih ili drugih zakonom predviđenih izvora za finansiranje te djelatnosti.

Predlagač izmjena (proširenja ili smanjenja nadležnosti djelokruga rada kao i reorganizacije postojećeg korisnika budžeta odnosno osnivanja novog) predložiti će Općinskom vijeću i način finansiranja.

Član 20.

Platni promet vršiti će se po principu trezorskog poslovanja putem jedinstvenog računa Općine Novo Sarajevo, a preko više transakcijskih računa otvorenih kod ovlaštenih organizacija platnog prometa o čemu odluku donosi Općinski načelnik.

Član 21.

Služba za privredu i finansije dužna je podnositi Općinskom načelniku mjesečne finansijske izvještaje u roku od 30 dana, a tromjesečne i polugodišnje finansijske izvještaje u roku od najviše 60 dana od završetka svakog izvještajnog razdoblja, a komisiji za budžet i finansije tromjesečni i šestomjesečni finansijski izvještaj u formi tabela u roku od najviše 30 dana od završetka izvještajnog perioda.

Općinski načelnik podnosi Općinskom Vijeću informaciju o izvršenju Budžeta za šest mjeseci u roku od 60 dana od završetka obračunskog perioda.

Općina je obavezna izraditi godišnji obračun finansijskog plana za proteklu godinu i dostaviti ga nadležnom organu u skladu sa Zakonom.

Općinski načelnik obavezan je podnijeti Općinskom vijeću na usvajanje, godišnji izvještaj o izvršenju Budžeta Općine Novo Sarajevo u roku od 120 dana od završetka fiskalne godine.

Član 22.

Nadzor nad korištenjem budžetskih sredstava vrši se putem interne i eksterne revizije u skladu sa zakonom.

Komisija za budžet i finansije vrši uvid u ostvarivanje prihoda i rashoda Općine, kao i raspolaganje i korištenje budžetskih sredstava od strane korisnika tih sredstava. Prati izvršavanje zakona i akata Općinskog vijeća iz ove oblasti, te predlaže Općinskom vijeću donošenje odgovarajućih mjera za racionalnije korištenje budžetskih sredstava.

Reviziju godišnjih finansijskih izvještaja u skladu sa Zakonom o budžetima u Federaciji Bosne i Hercegovine vrši Ured za reviziju budžeta u Federaciji BiH.

Član 23.

Budžet, Odluka o izvršavanju Budžeta, kao i svaka izmjena i dopuna Budžeta, te godišnji izvještaj o izvršenju Budžeta objavit će se u skladu sa članom 76. Zakona o budžetima u FBiH.

Član 24.

Odgovorno lice budžetskog korisnika, nosilac izvršne vlasti, kao i drugo lice odgovorno za Budžet Općine, kaznit će se za kršenje ove Odluke saglasno odredbama člana 78. Zakona o budžetima u Federaciji Bosne i Hercegovine.

Član 25.

Na sva pitanja koja nisu regulisane ovom Odlukom, a tiču se izvršavanja, računovodstva i revizije Budžeta primjenjivat će se odredbe važećih zakona.

Član 26.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“ i važi za fiskalnu 2010. godinu.

Broj:01-14-2759/09
Sarajevo, 30.12.2009.godine

Predsjedavajući
Općinskog vijeća Novo Sarajevo
Nebojša Simić